



# Vuk'uzenzele



Iziswa yiNkonzo yezoNxibelelwano neNkqubo yoLwazi kaRhulumente (GCIS)

isiXhosa/English

EkaTshazimpunzi 2015



**Ezivela  
kwiZakhiwo  
zoMdibaniso**

*Iphepha 3*



**UHlahlo  
lwabiwo-mali  
lwabantu**

*Iphepha 5*

## Oomasipala kufuneka baphucule indlela abasebenza ngayo

More Matshediso

**Kwezi** nyanga zimbawwa zizayo, uluntu kulo lonke eli luza kufumana iinkonzo ezingcono njengokuba oomasipala besebenza nzima ukuphucula indlela abasebenza ngayo.

**U**Mphathiswa woLawulo lweNtsebenziswano neMicimbi yezeMveli (i-Cogta) uPravin Gordhan ubhengeze ukuba isebe lakhe liza komeleza ukongamela kwalo oomasipala ukuqinisekisa ukuba bafumana inkxaso abayidingayo ukuze bakwazi ukuhambisa iinkonzo ngokufanelekileyo.

“Sithetha nje bamalunga ne-170 oomasipala abasithumela iingxelo zokuba yintoni abayenzayo ngokubhekiselele kwinkqubo yokuBuyela kuNdalashe.

“Kwezi nyanga zimbawwa zizayo, bonke oomasipala bethu baza kuqalisa ukulandela imigaqo yale nkqubo,” utshilo uMphathiswa uGordhan.

Ebethetha kwiBhunga likaMongameli lokuLungelelanisa (i-PCC) elikhokelwa nguMongameli uJacob Zuma njengosihlalo kwiZakhiwo zoMdibaniso.

Inkqubo yokuBuyela kuNdalashe yasungulwa kweyoMsintsi kunyaka ophelileyo ukuvuselela oomasipala baqinisekise ukuba bazisa iinkonzo ezingundoqo kubemi



**UMphathiswa uPravin Gordhan ufuna oomasipala baphucule indlela abasebenza ngayo kwaye baqinisekise ukuba bazisa iinkonzo ezingundoqo kubemi baseMzantsi Afrika.**

boMzantsi Afrika.

“Sikwazile ukubonisa inkqubela esiyenzi-leyo, saze sazama ukuhlalutya iimeko yoomasipala baseMzantsi Afrika ...[ukuze sibone] apho kukho iingxaki nokuba sijongana njani nazo,” utshilo uMphathiswa uGordhan.

Wongeze ngelithi oomasipala kufuneka baqinisekise ukuba bayaqhuba ukuzisa iinkonzo ezifana namanzi, ugutyulo lwelindle, izindlu kunye nokuthuthwa kwenkunkuma.

“I-PCC yawamkela umkhombandlela kwaye yavumelana ukuba inkqubo yokuBuyela kuNdalashe yindlela ebalulekileyo yokufezekisa isiCwangciso soPhuhliso seSizwe (i-NDP).”

UMphathiswa uthe aBaphathiswa bamaPhondo (ii-MEC) kufuneka basebenze nzima ukunxibelelana noluntu oluchatshazelwa yimiba ethile kwaye bakhawuleze basombulule kwaye bafumane izisombululo nanini na xa kukho imingeni koomasipala.

Wongeze ukuba aBaphathiswa bamaPhondo kufuneka baphucule izakhono zamacandelo azo okuhlola ukusebenza kumaphondo ukuze oorhulumente basekhaya bomelele.

UMphathiswa uGordhan uthe i-Cogta ifake izindululo kwiBhodi yoCando lweMida yooMasipala ukuba iphonononge oomasipala abangakwaziyo ukuzenzela imali.

Utshilo le bhodi kuza kufuneka icande imi-

mandla yoomasipala ibe ziwadi.

“Kwisithuba seminyaka emihlanu, ufumana abantu abangenayo nabaphumayo ngoko ke inani labemi liyatshintsha, kwaye kufuneka oko bakuthathele ingqalelo ngexesha beqhuba nenkqubo yokucanda.”

### I-NDP, IZICWANGCISO ZAMAPHONDO NEZOOMASIPALA

UMphathiswa uthe i-PCC ikwafumene ingxelo evela kwiSebe lokuHlolwa kokuSebenza noVavanyo (i-DPME) elijonga izicwangciso zamaphondo kunye noomasipala ngokuphathelele kwi-NDP.

“Oomasipala baneziCwangciso zoPhuhliso eziHlangeneyo (ii-IDP) apho izicwangciso zenkqubo yokuBuyela kuNdalashe ziza kudityaniswa khona, neziza kuba yindlela yokuphumeza i-NDP koomasipala.”

Ii-IDP zizicwangciso zeminyaka emihlanu ezenziwe ngurhulumente wasekhaya ukwenza izicwangciso zexesha elizayo kunye nokumisela uphuhliso lweemfuno zikamasipala.

Utshilo uMphathiswa okwi-Ofisi kaMongameli woCwangciso, uHlobo kunye noVavanyo, uJeff Radebe kunye neqela lakhe baza kujonga zonke izicwangciso zamaphondo, ezamasebe kazwelonke kunye nawamaphondo.

Utshilo ukuphonononga kukaMphathiswa uRadebe kubonisa ukuba amaphondo amaninzi ayaqalisa ukulandela ikhondo elifanelekileyo ngokubhekiselele ekuxhaseni oko urhulumente ajolise ukukuphumeza nge-NDP kunye neNkqubo-sikhokelo yoBuchule yesiGaba esiPhakathi.

### IKHWELO LOKUGXOTHA ABASEBENZI ABANGAWAZIYO UMSEBENZI

UMphathiswa uGordhan ukhuphe umyalelo koomasipala wokuba bagxothwe bonke abaphathi abakwizikhundla eziphezulu abangenazo iziqinisekiso zemfundo ezifanelekileyo nabangawaziyo umsebenzi wabo.

“Sicela amaphondo ukuba abathathele amanyathelo [abaphathi boomasipala] kwaye aqinisekise ukuba abantu abamkele ezi zikhundla ziphezulu ngolu hlobo bayagxothwa kwezo zikhundla ukuze kuqeshwe abantu abafanelekileyo.

“Qeshani abantu abafanelekileyo, qinisekisa ukuba ninabaphathi abafanelekileyo ezikhundleni abawaziyo umsebenzi wobuchwepheshe nobuchule bokulawula kuloo macandelo abalulekileyo,” utshilo uMphathiswa.

“Wonke ubani, kuquka iiNkulumbuso, zizinikele ukuqinisekisa ukuba urhulumente uyaphendula kwaye abasebenzi abajongene nabantu kwii-arhente zikarhulumente babanceda ngothakazelelo ngokubhekiselele ekubaboneleleni abemi ngeenkonzo ezifanelekileyo,” wongeze ngelitshoyo.

### AMAXESHA AMATSHA OKUNGENA EMSEBENZINI KWISEBE LEZEMICIMBI YEZEKHAYA

**A**maxesha amatsha okungena emsebenzini kwiSebe leMicimbi yezeKhaya (i-DHA) aza kuphucula iinkonzo eziziswa kuluntu.

La maxesha matsha okungena nokuphuma emsebenzini naqalise kwinyanga ephelileyo, ngu-7:30 kusasa ukuya kwi-4:30 emva kwemini, kuquka ixesha lesidlo sasemini esiyimizuzu engama-30. Kodwa ke, amaxesha okunceda abantu aqala ngentsimbi yesi-8 kusasa ukuya kweye-4 emva kwemini.

Umlawuli Jikelele weSebe leMicimbi yezeKhaya, uMkhoseli Apleni, uthe i-DHA iye yathetha-thethana neemanyano zabasebenzi phambi kokuthatha izigqibo zokutshintsha la maxesha okusebenza.

Ngoku kukho amaxesha amabini okungena

emsebenzini, elokuqala liqala nge-7:30 kusasa lize liphume ngeye-4 emva kwemini. Elesibini liqala ngentsimbi ye-9 kusasa lize liphume nge-4:30. Omabini la maxesha aquka ixesha lesidlo sasemini esiyimizuzu engama-30.

U-Apleni uthe amaxesha okungena emsebenzini aza kuba yinzuzo kuluntu, abaphathi, abasebenzi kunye nesebe liphela.

“Okubalulekileyo kukuba amaxesha amatsha okungena aza kunika abaphathi kunye nabasebenzi ixesha eloneleyo lokusebenzisana omnye nomnye ngemiba yokuziswa kweenkonzo kunye neyabasebenzi abajongana ngqo noluntu,” utshilo.

U-Apleni uthe amaxesha amatsha okungena emsebenzini abanika iiyure ezingama-40 zokusebenza abasebenzi ezahlulwe zaba ziintsuku ezintandathu, ukususela ngoMv-

lo ukuya ngoMgqibelo, baze basebenze iMigqibelo emibini kuphela ngenyanga.

Abasebenzi abangena nge-7:30 kusasa baphume ngentsimbi ye-4 emva kwemini basebenza iveki eneeyure ezingama-40 ukususela ngoMvulo ukuya ngoLwesihlanu. Abo basebenza kwiqela eliqala ngentsimbi ye-9 ukuya kweye-4:30 basebenza iiyure ezingama-35 eeyure ukususela ngoMvulo ukuya ngoLwesihlanu kunye neeyure ezintlanu ngoMgqibelo.

Iqela elisebenza ngoMgqibelo liqala ngeye-8 kusasa ukuya kweye-1, kwaye ukususela nge-8:30 ukuya kwi-12:30 kuncedwa oluntu.

U-Apleni uthe abasebenzi bayatshintshatshintshana kula maqela ukuze kubekho ukuphanda amathuba ngokubhekiselele ekusebenzeni ngoMgqibelo.

**Ngeenkukacha ezithe vetshe tsalela umnxeba kwiSebe leMicimbi yezeKhaya kule nombolo: 0800 60 11 90.**



## UHLAHLO LWABIWO-MALI LOWAMA-2015

# Uhlahlo lwabiwo-mali lowama-2015: Umsebenzi onzima wokwabela wonke ubani



UMphathiswa wezeMali uNhlanelo Nene ucacisa indlela urhulumente aza kuyichitha ngayo imali ukuphucula ubomi babemi baseMzantsi Afrika.

## UPHULISO LWAMASHISHINI NEMISEBENZI

Urhulumente uyaqhubeka ukukubeka njengomba ophambili ukufumana iindlela zokudalela abemi baseMzantsi Afrika imisebenzi.

“Ezi ndlela ziquka izaphulelo zerhafu yengqesho kunye notyalomali, inkxaso yophuhliso lwamashishini, uphuhliso lwezakhono kunye neenkqubo zengqesho,” utshilo uMphathiswa.

Ezi zixa-mali zilandelayo ziza kwabiwa zisabelwa ixesha le-MTEF eliyiminyaka emithathu:

- iibhiliyoni ezili-10.2 zeerandi zabelwe izibonelelo zophuhliso lwe-candelo lemizi-mveliso kunye nokuxhasa ukukhula kwamashishini abonelela ngeenkonzelo.
- iibhiliyoni ezi-5.4 zeerandi zabelwe inkqubo zokuqinisekisa icandelo lemizi-mveliso liyakwazi ukumelana nokhuphiswano ukunceda iinkampani ezili-1 450 ngenkxaso yezimali ukuphucula izixhobo zokusebenza nophuhliso lwezakhono.
- iibhiliyoni ezi-3.5 zeerandi zabelwe uphuhliso lweziseko ezingundoqo kwimimandla yezoqoqosho ekhethekileyo.
- iibhiliyoni ezi-3.5 zeerandi zabelwe iSebe lezoPhuhliso lwamaShishini amaNcinci uku-xhasa iinkqubo zokucebisa nezoqeqesho kumashishini amancinci.
- iibhiliyoni ezi-4 zeerandi zabelwe iNgxowamali yeMisebenzi ngentsebenziswano necandelo labucala kwiiprosjekthi ezidala imisebenzi emitsha, zixhase abo bafuna imisebenzi zize zishukuxe imiqobo ethintela uhlumo oluxhanyulwa nguye wonke umntu.
- iibhiliyoni ezili-11.8 zeerandi zabelwe iSebe lezeNdalo ukuvula ingxowamali yokuhlalwula imisebenzi efana nesisigxina eli-107 000 kunye namathuba emisebenzi engama-224 000 ngeenkqubo ezingenabungozi kokusingqongileyo ze-EPWP.
- izigidi ezingama-590 zeerandi zabelwe iNgxowamali yezokusiNgqongileyo kwisigaba esiphakathi, zisabelwa iiprosjekthi ezibalulekileyo ezingenabungozi kokusingqongileyo ngentsebenziswano necandelo labucala.

**\*Funda olunye ulwazi ngeNtetho ngoHlahlo lwabiwo-mali kwiphepha lesi-5.**

## Ukwandiswa kwemali eya-belwe oomasipala

Amukelani Chauke

**U M p h a t h i s w a** wePhondo weSebe loLawulo lweNtsebenziswano neMicimbi yeMveli KwaZulu-Natal, uNomusa Dube-Ncube, wamkele ukwandiswa kohlahlo lwabiwo-mali lweziseko zophuhliso zoomasipala, isabelo esibonakalayo sabelwe iphondo laKwaZulu-Natal.



UMphathiswa wePhondo uNomusa Dube-Ncube uthi uhlahlo lwabiwo-mali luza kuphucula iziseko zophuhliso KwaZulu-Natal.

kugxininisa ekulungisweni kweziseko zophuhliso.

“Ukulungiswa nokuzigcina zisemgangathweni iziseko zophuhliso kuse-ngomnye wemiba ebalulekileyo njengokuba sikhuthaza oomasipala ukuba babuyele embo njengexalenye yenkqubo yokuBuyela kuNdalashe, esisandula ukuyisungula kweli phondo,” utshilo uMphathiswa wephondo uDube-Ncube.


### UHLAHLO LWABIWO-MALI LWEZEMPILO LWAMKELWE

Kwesi sithuba, iManyano yoMbutho wezoNyango eMzantsi Afrika (i-SAMATU) yamkele ukunyunyusa kohlahlo lwabiwo-mali lwezempilo nezempilo isithi omabini la macandelo abalulekile ukudala inkqubo yezempilo esebenza kakuhle eMzantsi Afrika.

Umongameli wale manyano, uGqr Phophi Ramathuba, uthe uyathemba ukuba ukwandiswa kwemali eza kuchithwa kuza kuba nesiphumo esikukuphucula umgangatho wezempilo kumaziko onyango.

“Abantu basakhalaza malunga nokunqongophala kwamayeza, izixhobo zonyango kunye namagosa ezempilo azingcali. Ngoko ke sihlaba ikhwelo kwiSebe lezeMpilo kunye noNondyebo weSizwe ukuba beze nezisombululo,” utshilo uGqr Ramathuba.

I-SAMATU yamkele isixamali esiyibhiliyoni ey-1,5 yeerandi ethathwe kumaphondo yaze yabelwa iZiko leSizwe leZifo ezoSulelayo, kunye nokuzinikela ekupapasheni iPhapha leNgcaciso le-Inshorensi yeSizwe yezeMpilo.



Umthombo: UNondyebo weSizwe

Amukelani Chauke

**Nangona** iimeko zoqoqosho lwehlabathi zimaxongo, kwaye nezimali zeli ziphantsi koxinzelelo, uHlahlo lwabiwo-mali lowama-2015 lukwazile ukubonisa ukuzinikela kukarhulumente ekuphuculeni ubomi babantu abahluphekayo.

**N**jengamanye amazwe amaninzi, uMzantsi Afrika, ukususela kowama-2009 ubonise ukuhluma okungephi kwezoqoqosho kunye nokwanda kwetyala likarhulumente.

Ngoko ke uHlahlo lwabiwo-mali lowama-2015 lube ngumsebenzi onzima kuMphathiswa wezeMali uNhlanelo Nene wokuzama ukucukucezela wonke ubani.

Iindaba ezimnandi ngoHlahlo lwabiwo-mali kukuba luza kuzisa isiqabu kubantu abamkela imivuzo ephantsi ngokuphathelele kwirhafu yengeniso, ukunyuka kwezibonelelo zikarhulumente, nezibonelela ngenkxaso kubemi abasokolayo kwaye imali eyongezelekileyo

iza kuchithwa kwezempilo nezempilo.

### INDLELA ENTSHA YOHLUMO

Lukhatshwa lityala elikhulayo, uhlahlo lwabiwo-mali loMphathiswa kufuneka lubeke ilizwe endleleni yokukhula ngokushukuxa imingeni yohlumo olucuthayo – njengangxaki yezamandla ombane – ukudala amathuba emisebenzi kunye nokwandisa ukuthatha inxaxheba kuqoqosho.

UMphathiswa ebesazi ukuba unomsebenzi wokunciphisa inkcitho kule minyaka mibini izayo, kwaye kufuneka enyuse ingeniso evela kwirhafu ukuze kubekho ingeniso ezibhiliyoni zeerandi ezili-12 ukuncedisa kuhlahlo lwabiwo-mali lwalo nyaka kunye nenye imali ezibhiliyoni ezili-15 zeerandi yonyaka ozayo.

Kufuneka ukuba acuthe ityala nokungoneli kohlahlo lwabiwo-mali nge-3.6%.

Olu lolona hlahlo lwabiwo-mali lubalulekileyo kule minyaka ingama-21, kwaye nangona kukho le mingeni, uMphathiswa kufuneka aqinisekisa ukuba uhlahlo lwabiwo-mali lwalo nyaka luhambelana neenjongo zesiCwangciso soPhuhliso seSizwe (i-NDP).

“Uhlahlo lwabiwo-mali lowama-2015 lujolise ekulungiseleleni umgaqo-nkqubo wezezimali ukuvuselela utyalomali, ukuxhasa uphuhliso lwamashishini, ukuxhasa ezolimo nezorhwebo kunye nokwenza izixeko zethu iinjini zokuhluma koqoqosho,” utshilo uMphathiswa kwintetho yakhe.



**UHLAHLA LWABIWO-MALI LOWAMA-2015**

# UHLahlo lwabiwo-mali lwabantu

**Minyaka** le urhulumente upapasha uHlaziyo lo-Hlahlo lwabiwo-mali. Uhlaziyo luqikelela ukuba yimalini imali urhulumente anokuyenza ukuze akwazi ukuyichitha kwimiba ebalulekileyo efana neze-mpilo, ezemfundo, kunye nezibonelelo zikarhulumente, phakathi kwezinye.

**X**a uRhulumente esenza uhlahlo lwabiwo-mali lelizwe kufuneka acingisise ngemiba embalwa efana noqoqosho. Ingeniso idlala indima ebalulekileyo kuba ngokuye uqoqosho luhluma, ingeniso eqokelelwa ngurhulumente nayo iya isanda. Urhulumente ulandela inkqubo ecacileyo enama-nyathelo ngamanyathelo phambi kokuba agqibe ngohlalo lwabiwo-mali



Iwesizwe oluza kusetyenziswa. Emva koko uMphathiswa wezeMali uthi thaca uHlahlo lwabiwo-mali ePalamente kwaye oku kulandela yinkqubo yokufakana imilomo nokubonisana.

UHLahlo lwabiwo-mali lowama-2015 olwenziwe nguMphathiswa uNhlanhla Nene lwathiwa thaca ngexesha apho ilizwe lijongene nemingeni. Lo gama le mingeni isahleli, urhulumente uzinikele ekuphuculeni ubomi babantu abahluphekayo.

**UKUKHUSELA IZIBONELELO ZIKARHULUMENTE**

Kule minyaka mithathu izayo, i-Arhente yeziBonelelo zezeNtlalo noMhlala-phantsi yaseMzantsi Afrika (i-SASSA), iza kuqhuba ukwandisa iindawo ekwamkelwa kuzo izibonelelo zikarhulumente.

Urhulumente akagungqi kwidabi loku-

Iwa ukungalingani kunye nentlupheko. Enye yeendlela zokuphumeza oku kuku-bonelela ngenkxaso abemi abasesichengeni sokuthwaxwa yintsokele ngokubabonelela ngezibonelelo zikarhulumente.

Ngowama-2018, abemi abaphantse ba-bezizigidi ezili-17,5 baza kufumana uhlobo lwesibonelelo sikarhulumente. Isibonelelo sikarhulumente yeyona ndlela ithe ngqo yokushukuxa umngeni wentlupheko ilizwe lethu elijongene nawo. Ezi zibonelelo zijolise kubantu abadala, amagqala omkhosi, abantwana kunye nabantu abakhubazekileyo.

Ukwandisa ingeniso yala makhaya kunciphisa ubuzaza bentlupheko lo gama ngaxeshanye kuqaqambisa iziphiwo zabemi noluntu njengamanyathelo abalulekileyo okudala umbuso ophuhlayo.

**Uchatha kwiziBonelelo zikaRhulumente**

<b>Isibonelelo sabantu abadala</b>	<b>R1 410</b>
<b>Isibonelelo sabantu abadala, abaneminyaka engaphezulu kwama-75</b>	<b>R1 430</b>
<b>Isibonelelo samagqala omkhosi</b>	<b>R1 430</b>
<b>Isibonelelo sabakhubazekileyo</b>	<b>R1 410</b>
<b>Isibonelelo sabagcina abantwana</b>	<b>R860</b>
<b>Isibonelelo sokuxhomekeka kwinkathalo yabanye</b>	<b>R1 410</b>
<b>Isibonelelo senkxaso yabantwana</b>	<b>R330</b>

Umthombo: UNondyabo weSizwe

## Imali eyongezelekileyo kwezemfundo

**More Matshediso**

**I**Sebe leMfundo esiSiseko likwamkele ukunyunyuka kwezimali ezabelwe ezemfundo nguMphathiswa wezeMali uNhlanhla Nene kuHlahlo lwabiwo-mali lowama-2015.

“Oku kunyuka nge-8% kuye kufika kwiibhiliyoni ezingama-R276.7 zeerandi kwimali eyabelwe ezemfundo kugxininisa ukuzinikela kwalo rhulumente kwezemfundo njengomba obaluleke kakhulu,” utshilo uMphathiswa weMfundo esiSiseko u-Angie Motshekga.

Uthe esi sabelo siza kunceda iSebe leMfundo esiSiseko liphumeze iinjongo elizibeke kwisicwangciso salo sokusebenza nokuphucula umgangatho nokusebenza kakuhle kulo lonke isebe.

“Iza kunceda kakhulu ekuphuculeni iziseko zophuhliso lwezikolo, uqhagamshelwano lwezikolo njengokuba siqhubela phambili ukufezekisa iphupha lamagumbi okufundela ale mihla, uphuhliso lootitshala oluqhubayo kwakunye nokuphucula ukuziswa kwezixhobo zokufundisa nezokufunda (i-LTSM) phakathi kwezinye izinto,” utshilo uMphathiswa uMotshekga.

Uhlahlo lwabiwo-mali lukaMphathiswa uNene lunikezele ngesabelo esingaphezulu kweebhiliyoni ezisi-7 zeerandi kwiminyaka emithathu ezayo ukuthatha indawo yeziseko zophuhliso lwezikolo ezingama-510 kunye nokubonelela ngamanzi izikolo ezili-1 120, ugutyulo lwelindle kwezingama-741 kunye nombane kwezingama-916.

“Siyasamkela isibhengezo soMphathiswa uNene sokuba zonke izicwangciso zezakhiwo zezikolo zibe semgangathweni kwaye iindleko zokwakha ziza kulawulwa yi-ofisi yegosa eliyintloko kwicandelo lokuthenga likarhulumente,” utshilo uMphathiswa uMotshekga.

UMphathiswa uthi buyabonakala ubungqina bokuba onke amasebe karhulumente ayazibophelela kumbono wokuba amasebe karhulumente ezemfundo ngawona abaluleke kakhulu kwiphulo lokuzisa iinguqu kuwo onke amacandelo ekuhlaleni.

“... Olu hlahlo lwabiwo-mali lwenza iinjongo zezemfundo ezichazwe kwiSicwangciso soPhuhliso seSizwe zifikeleleke ngokwenene,” utshilo uMphathiswa uMotshekga.

Amanye amanyathelo aza kuthathwa ezikolweni kule minyaka mithathu izayo aquka:

- ukushicilela nokusasaza iincwadi zokuse-



benza ezizizigidi ezili-170 kwizikolo ezingama-23 562;

- umntwana ngamnye okwiBanga R ukuya kwele-9 uza kufumana iincwadi ezimbini ngesifundo ngasinye kunyaka ngamnye kwizifundo ezibalulekileyo;
- imali ezibhiliyoni ezi-4.1 zeerandi yokwakha nokuxhasa amathala eencwadi oluntu; kunye
- imali eyibhiliyoni eyi-1.1 yeerandi yeqhagamshelwano lobuxhaka-xhaka besantya sothungelwano-lwazi kumaziko karhulumente nezikolo.

UMphathiswa uNene usekwaxhase ukuthengwa kwindawo enye kwezixhobo zokufundisa nokufunda kwabafundi waze watsho ukuba kwiinzame zokomeleza ulawulo lwezimali nokuthintela urhwaphilizo, zonke iincwadi eziziswe ezikolweni kunyaka ozayo ziza kulawulwa ngesivumelwano ekuvunyenweneyo ngaso.

## UBUSAZI NA?

Uqhagamshelwano lobuxhaka-xhaka besantya sothungelwano-lwazi luhlobo loqhagamshelwano lwe-intanethi oluhamba ngesantya esiphezulu. Kulula kwaye kuyakhawuleza ukuyisebenzisa kune-modem kuba ulwazi lungathunyelwa kwaye lithathwe kwi-intanethi ngokukhawuleza.

## Urhulumente wabele ezemfundo nezempilo imali eyongezelekileyo

**K**ule minyaka ingama-21 idlulileyo, uRhulumente wenze inkqubela ebonakalayo ukuqinisekisa ukuba abemi boMzantsi Afrika bafumana imfundo esemgangathweni kunye neenkonzo zezempilo ezisemgangathweni. Kule mithathu izayo, uhlahlo lwabiwo-mali, luza kwabiwa ngolu hlobo lulandelayo:

- **imali ezibhiliyoni ezili-19.5** zeerandi iza kwabelwa iSebe lezeMpilo ukuze kulungiswe kwaye kuphuculwe amaziko ezempilo kunye neeprojekthi ezisixhenxe ezinkulu eziqhutywa ngamasebe amaphondo kunye nawesizwe.



- **imali ezibhiliyoni ezisi-7** zeerandi yabelwe iziseko zophuhliso zezikolo ezisilelayo eziza kulungiswa kwizikolo ezingama-510 kwaye kuziswe amanzi kwizikolo ezili-1 120, ugutyulo lwelindle kwezingama-741 kunye nombane kwizikolo ezingama-916.



- **imali ezibhiliyoni ezi-3.1** zeerandi iza kwabelwa ibhasari yokufunda iFunza Lushaka. Kuqikelelwa ukuba ngowama-2017/18 ootitshala abatsha abali-10 200 baza kuqalisa ukusebenzela urhulumente. IBhasari yokuFunda iFunza Lushaka yinkqubo yaminyaka le exhasa ukufundisa kwizikolo zikarhulumente.





## IINTETHO EZINGOBUME BAMAPHONDO

**I**iNkulumbuso zamaphondo alithoba eli kunye noorhulumente bazo bamaphondo zinezicwangciso ezikhulu zokuphucula ubomi babantu emaphondweni. Iinkucukacha zezi zicwangciso zidandalaziswe kutsha nje ngethuba iiNkulumbuso sisenza iiNtetho zazo ezingoBume bamaPhondo.

### ILimpopo itsala utyalo-mali lwamazwe angaphandle



**INkulumbuso uStanley Mathabatha**

#### Nthambeleni Gabara

**L**impopo yindawo ekhethwayo ngabatyalizimali bamazwe angaphandle, itsho iNkulumbuso uStanley Mathabatha.

“Ngexesha besityelele eChina kuhambo lwaseburhulumenteni ngemiba yezorhwebo kunye notyalo-mali ngeyeDwarha kowama-2014, satyikitya isivumelwano nabatyalizimali abazizinhlanha.

“Isivumelwano sokuqala satyikitywa neNkampani yaseHong Kong yokuRhwebelana ngezeMigodi (iHoi Mor) ukuseka iProjekthi esiSiseko yaMandla eziNyithi yaseMzantsi Afrika, utshilo ngexesha leNtetho engoBume bePhondo (i-SOPA). Le projekthi, enexabiso

lotyalomali eliqikelelwa kwiibhiliyoni ezingama-38.8 zeerandi, iza kuqhutywa kuMmandla wezoQoqosho oluKhethekileyo eMusina, kwaye iza kudala imisebenzi kuyo ngqo engama-19 000 kwiminyaka emithathu.

Inkampani i-South Africa's Women Investment Holdings nayo iseke isivumelwano sentsebenziswano neQela loPhuhliso iJidong kunye nengxowamali yoPhuhliso lwe-Afrika yiChina ngotyalomali lwebhiliyoni eyi-1.65 yeerandi ukwenza isamente eThabazimbi.

Ukwakhiwa, okwaqala ngowama-2014, bekulindlele ukuba kugqitywe kwinyanga ephelileyo.

“Andithandabuzi ukuba olu tyalomali luza kongeza ixabiso kwiinzame zethu zokwandisa umthamo wemveliso woqoqosho lwethu,” itshilo iNkulumbuso uMathabatha.

#### UKUTYALA IMALI KWEZOLIMO

“Sivule iiKholeji zezoLimo iMadzivhandila kunye neTompisi Seleka ekuqaleni kwalo nyaka.

“Ezi kholeji ngoku zisebenza ngokupheleleyo. Kukho abafundi ababhalisileyo abangexho ngaphantsi kwe-140,” utshilo.

INkulumbuso uMathabatha uthe ikharithyulam iyilwe ngokutsha yaze yaphuhliswa ukuze kuphume abanezakhono zoqoqosho kwezolimo, amagosa okwandisa, izazinzulu zamadlelo nomhlaba, izazinzulu ngokukhulisisa izityalo nokukhathalela umhlaba kunye nezazinzulu ngokutyalala nokuvuna.


Le kharithyulam ihlanganiswe nezinye izifundo ezifundiswa kwiDyunivesithi yaseLimpopo kunye neDyunivesithi yaseVenda.

eliKhawulezileyo lokuNciphisa ukuSweleka kooMama ababelekayo naBantwana e-Afrika.

Iphondo liza kukhawulezisa ukuphumeza iphulo iPhila Mntwana kwiindawo ezihlala uluntu ukwandisa izinga lokufikelela kubantwana abaneminyaka engaphantsi kwemihlanu kunye nokwandisa ukuxilongelwa nokunyangwa kweSifo sePhepha (i-TB) kubantwana abakule ntanga.

“Sifuna ukunciphisa inani labosulelwa okokuqala yi-HIV ngama-50% ngowama-2016 kwaye sinciphise nomonakalo owenziwa yi-HIV kunye noGawulayo (i-AIDS) ngokwandisa iinkonzo namayeza afanelekileyo onyango kunye nenkxaso kuma-80% abo bonke abantu abafunyaniswe bene-HIV,” itshilo iNkulumbuso uMchunu.

### Ukunganda ukusweleka koomama abakhulelweyo ngumba ophambili Kwa-Zulu-Natal



**INkulumbuso uSenzo Mchunu**

#### Pricilla Khumalo

**U**kunciphisa ukusweleka koomama abakhulelweyo, iintsana ezisandula ukuzalwa kunye nabantwana kuza kuba ngumba ekugxininiswa kuwo nguRhulumente wePhondo laKwaZulu-Natal kule minyaka mihlanu izayo.

Esenza iNtetho engoBume bePhondo (i-SOPA) iNkulumbuso uSenzo Mchunu uthe nangona kukho intlupheko ezingileyo, iphondo libona ukwehla kwenani labantwana abanobunzima obungaphantsi kobulindlekileyo abaneminyaka engaphantsi kwesihlanu ukusuka kuma-44 kwi-1 000 ngowama-2010 ukuya kubantwana abangaphantsi kwe-14 kwi-1 000 ngalinye.

Iphondo libone nokuhla kwezinga lokusweleka kwabantwana abangaphantsi konyaka ubudala ukusuka kwi-10.8% ngowama-2010 ukuya kwi-7.3%.

“Sibone izinga lokusweleka koomama abakhulelweyo kumaziko ezempilo oluli-138 koomama ababelekayo abali-1 000 lusehla ukusuka kwi-195 kwabali-1 000 kowama-2010. Umyinge weminyaka yobomi obuphilwa ngamadoda unyuke ukusuka kwiminyaka engama-49 ukuya kwengama-54 owabase-tyhini wona uyiminyaka engama-59 usuka kwengama-50, itshilo iNkulumbuso uMchunu.

Iphondo liza kukhawulezisa ukuthintela ukosuleleka kwabantwana besosulelwa ngoonina ngeNtsholongwane kaGawulayo (i-HIV) ngokunciphisa ukosuleleka kwabantwana besosulelwa ngoonina. Kuza kukhawuleziswa ukuphunyezwa kwePhulo

### Ukuvuselela uqoqosho lwasezilokishini zase-Gauteng



**INkulumbuso uDavid Makhura**

#### Bathandwa Mbola

**U**Rhulumente wePhondo laseGauteng ubekele bucala imali engaphezulu kwezigidi ezili-160 zeerandi ukuphucula kunye nokudala iimeko eziza kukhuthaza ukukhula koqoqosho lwasezilokishini.

INkulumbuso uDavid Makhura wenze esi sibhengezo ngexesha esenza iNtetho engoBume bePhondo (i-SOPA) esithi le mali iza kwenza okuninzi ukulwa ingxaki yentselwa-misebenzi, intlupheko kunye nokungalingani.

“Kufuneka sisebenzele ukuba yonke irandi evela kuqoqosho lwasezilokishini ijikeleze kwakuqoqosho lwalapho elokishini kwaye ibe yinzuzo kubemi baselokishini,” itshilo iNkulumbuso uMakhura.

Ukongeza, bobathathu oomasipala abambaxa (i-Johannesburg, Tshwane kunye nase-Ekurhuleni) babekela bucala iibhiliyoni ezi-3 zeerandi, izigidi ezingama-22 zeerandi kunye nezigidi ezili-150, ngokulandelelana kwabo, ukuxhasa uqoqosho lwasezilokishini kunye noosomashishini abakhasayo kwiminyaka emihlanu.

EDiepsloot, uMphathiswa wePhondo uLebogang Maile ubhengeze ukuba malunga ne-160 loosomashishini abasakhasayo baselokishini abazibandakanye ekuveliseni izinto ezincinane kunye neminye imisebenzi yokwenza iimveliso baza kuzuza kutyalomali oluxabisa ibhiliyoni eyi-1.6 yeerandi olukummandla obekelwe bucala ukukhuthaza nokuxhasa amashishini amancinane, aphakathi namancinane (i-SMME) eRiversands naseDiepsloot.

Imimandla emitsha esixhenxe esezilokishini ebekelwe bucala ukukhuthaza nokuxhasa ii-SMME iza kusekwa kwiilokishi ezahlukeyileyo kwiphondo. Le mimandla iza kunceda kwaye ixhase amashishini aasezilokishini.

Le mimandla mitsha iza kusekwa e-Ennerdale, Hammanskraal, Mabopane naseReiger Park.

Ukongeza koku, imimandla yamashishini eKathlehong, Orlando, Residentia, Khutsong nase-Ennerdale iza kuvuselelwa, utshilo uMaile.

Urhulumente wephondo, kwezi kota zintathu zidlulileyo, wenze imitsi ebonakalayo ngokubhekiselele kumathuba engqesho.

Lisungulwe kweyoMnga wama-2014, iinyanga ezintathu phambi komhla wokusungulwa, ilinge likaRhulumente wePhondo laseGauteng elijolise ekunikeni ithemba, uqeqesho lwezakhono kunye nezakhono zamashishini kubantu abatsha abangama-500 000 baseGauteng, elaziwa njengeTshepo 500 000, nesele lisenza umahluko kubomi bolutsha.

Ekupheleni kwekota yesithathu, amathuba emisebenzi adalwa yiNkonzo yeSizwe yoLutsha, inkqubo iZivuseni, iSebe loLawulo lweNtsebenziswano neMicimbi yeMveli axhasa ngemali iziza zokwakha kunye namahlakani afana neNgxowa-mali yoPhuhliso eZimeleyo kunye neminye imibutho engenanzuzo enza ama-165 516 xa edityanisiwe.


Kwiiprojekthi eziphunyezwe ngemisebenzi yenkunzi evela kurhulumente yeziseko zophuhliso, iphondo libonakalise inkqubela ekumgangatho ophezulu.

Kule minyaka mine izayo, utyalomali olupheleleyo lukaRhulumente wePhondo laseGauteng kuphuhliso lweziseko zophuhliso luza kuba ziibhiliyoni ezingama-32 zeerandi, lo gama oomasipala baseGauteng beza kuchitha iibhiliyoni ezingama-94 zeerandi kwakwixesha elifanayo.

Kwiminyaka emihlanu ezayo, ushishino lwasezilokishini luza kufumana imisebenzi yoshishino kurhulumente.

“Sizinikele ekubekeleni bucala ama-30% ohlahlo lwabiwo-mali lokuthenga kubantu abanamashishini ezilokishini kule minyaka mihlanu izayo,” itshilo iNkulumbuso uMakhura.

### Ukudala imisebenzi ngumba ophambili kwiPhondo laseMpuma Koloni



**INkulumbuso uPhumulo Masualle**

#### Edwin Tshivhidzo

**I**Nkulumbuso yaseMpuma Koloni uPhumulo Masualle uthi eli phondo liza kugxininisa ekudaleni imisebenzi kunye nendlela yokuphila ezinzileyo kulo nyaka wama-2015.

Iphondo lifuna ukudala amathuba emisebenzi angama-129 597 ngeNkqubo yeMisebenzi yoLuntu eNatyisiweyo (i-EPWP) kunye nama-37 000 ngeNkqubo yeMisebenzi yoLuntu (i-CWP).

“Kufuneka sikwenze oku sijolise kuqoqosho oluphawulwe luqoqosho olubhaliswe nje ngelona lunezinga eliphezulu lwentswelangqesho elizweni. Sizimisele ukusebenza ukudala imisebenzi ezinzileyo yabantu bethu,” utshilo ngexesha leNtetho engoBume bePhondo.

Izinga lentswela-ngqesho kwiphondo limi kuma-30.8%, lo gama ukungaphangeli kolutsha kumi kuma-50%.

INkulumbuso uMasualle uthe imisebenzi engama-24 737 iye yadalwa xa kuthelekiswa nemisebenzi engama-13 234 ebekujoliswe kuyo nge-arhente zoqoqosho ezifana neQumrhu loPhuhliso laseMpuma Koloni (i-ECDC), uMmandla woPhuhliso lwamaShishini waseMonti (i-ELIDZ) kunye neQumrhu loPhuhliso lwaseNgqurha (i-CDC).

Iphondo lijolise kumathuba ali-14 otyalomali oluxabisa iibhiliyoni ezingama-2 237 zeerandi kule mimandla ye-IDZ mibini.

“Njengexalenye yokuxhasa iphondo njengendawo yotyalomali ekhethwayo, sigwadla iQhinga lokuXhasa uTyalomali elinjongo zalo ikukudala iimeko ezikhuthaza uhlumo loqoqosho olukhawulezayo kweli phondo,” itshilo iNkulumbuso.

### IPhondo laseMntla Ntshona liza kusombulula iingxaki zamanzi



**INkulumbuso uSupra Mahumapelo**

#### Neo Semono

**U**rhulumente wePhondo laseMntla Ntshona ubekele bucala imali engaphezulu kweebhiliyoni ezili-100 zeerandi ukuphucula iziseko zophuhliso kwesi sithuba seminyaka emithathu ezayo.

Ethetha ngexesha leNtetho engoBume bePhondo, iNkulumbuso uSupra Mahumapelo uthe uHlahlo lwabiwo-mali lweziSeko zoPhuhliso luquka onke amasebe ephondo kunye noomasipala abangama-23.

“Olu hlahlo lwabiwo-mali luza kusetyenziswa ekulungiseni iindlela, amanzi nogutyulo lwelindle, izikolo, iziseko zophu-

hliso zezempilo, ezolimo, iziseko zophuhliso zobugcisa kunye nokhenketho kuzo zonke iindawo ezingama-383 zephondo,” itshilo iNkulumbuso uMahumapelo.

ISEbe lezaManzi kunye noGutyulo lweLindle liza kuchitha isixamali esingangebhiliyoni eyi-1.9 yeerandi ukujo-ngana neziseko zophuhliso zamanzi kunye nogutyulo lwelindle kweli phondo.

“Iiprojekthi zikumanganaba ahlukileyo ukususela kwelokucwangcisa ukuya kwelokufezekisa lo gama amanye amanqanaba sele egqityiwe.”

Oku akuyiquki imali ezizizigidi ezingama-705 zeerandi kunye nezizigidi ezingama-312 zeerandi zokulungisa nokwenziwa kweendlela ngenkxaso-mali evela kwiKomiti kaMongameli yoLungelelaniso lweziSeko zoPhuhliso (i-PICC) phantsi kweNkqubo yeeProjekthi zoBuchule beziSeko zoPhuhliso (i-SIP 4).

Ezi projekthi zilindelele ukuba zince-dise ekusombululeni iingxaki zokuziswa kwamanzi kwimimandla eyahlukileyo efana neMadibeng, Bloemhof, Schweizer Reneke, Setlagole neMafikeng.

INkulumbuso ikwathe iphondo lisebenza nzima ukulungisa iingxaki endala yokunqongophal kwezindlu. Ukuza kuthi ga ngoku, zizindlu ezingama-223 591 esele zakhiwe ukususela kowama-1994, kwaye zityabule urhulumente imali ezibhiliyoni ezili-13 zeerandi ukuzakha.





## IINTETHO EZINGOBUME BAMAPHONDO

Kunyaka-mali wama-2015/16, i-ECDC ilindeleke ukuba idale amathuba emisebenzi angama-7 000, iNgqurha engama-8 797 ize i-ELIDZ idale angama-5 500.

INkulumbuso uMasualle uthe kunyaka ozayo, imisebenzi iza kudalwa kushishino lokwenza imveliso, elokucwangcisa ukuhanjiswa kwemithwalo, amandla ombane angamanye, ukugcina iimveliso zezolimo zingonakali kunye neenkonzo zezolimo.

“Kwiinzame zokomeleza ukudalwa kwemisebenzi, siza kuxhasa amashishini amancinane, aphakathi namancinane kakhulu kunye nookopolotyeni abangama-70,” utshilo.

Oku kuza kuqinisekisa ukuthatha inxaxheba

kwabantu ababesaya kuvinjwa amathuba ngaphambili kwezoqoqosho.

Iphondo lidale amathuba emisebenzi angama-35 222 nge-CWP kunye nangama-155 235 nge-EPWP, inani elo lidlulileyo kwelo bekujoliswe kulo.

Malunga nama-64% emisebenzi ye-EPWP yazuzwa ngabasetyhini, ama-39% lulutsha yaze i-1% yazuzwa ngabantu abakhubazekileyo. Kuqeqeshwe ulutsha olungama-4 184 kobekujoliswe kulo olungama-3 678, nge-Nkqubo yoPhuhliso lobuNgcali kunye noKwazi uRhwebo eKhawulezileyo kunye neQumrhu leSizwe leeNkonzo zoLutsha lwaseMaphandleni.

ndoqo kweli phondo kule minyaka mithathu izayo aquka:

- imali ezizigidi ezili-170 zeerandi ibekelwe bucala ukulungisa iindlela, eziquka iindlela iLoeriesfontein neNieuwoudtville, indlela esuka ePhilipstown eya eHanover kunye nendlela i-MR795 eStrydenburg.
- imali ezizigidi ezingama-93 zeerandi yabelwe ukulungisa umonakalo wezikhukula kwimimandla eyahlukileyo kuquka iPetrusville, Prieska North, Neilersdrift ukuya eKakamas naseBlouputs.
- imali ezizigidi ezingama-25 zeerandi yabelwe ukulungisa iibhulorho kwiSithili saseNamaqua.
- imali ezizigidi ezisi-8 yabelwe ukujongana nokudiba izigingqi ezindleleni.
- imali ezizigidi ezingama-20 zeerandi yabelwe ukuthenga ifenitshala yendlela (ibhodi zeempawu zendlela kunye neentsimbi zokunqanda ukuphuma kwezithuthi endleleni).
- imali ezizigidi ezingama-205 zeerandi yabelwe ukulungisa njengomsebenzi wesiqhelo kunye nokuthintela umonakalo kulo lonke iphondo.
- imali ezizigidi ezili-100 zeerandi yabelwe ukwakha indlela u-N14 ePostmasburg ende kangange-55km. Kudalwe izithuba zemisebenzi ezingama-50. Ukuza kuthi ga ngoku ama-90% ale projekthi zigqityiwe.
- imali ezizigidi ezingama-60 zeerandi iza kuchithwa kwindlela yaseHotazel eya eTsingeng, ngentsebenziswano nomgodi iBHP Billiton. IsiGaba sesi-3 siza kuqala kwakamsinyane.
- imali ezizigidi ezingama-240 zeerandi ziza kuchithwa kwindlela edibanisa iHondeklip Bay kunye no-N7 ekufutshane neGaries. IsiGaba soku-1 siqale kweyeNkanga kowama-2013 kwaye nesigaba sesi-2 sale projekthi siza kuqalisa kunyakamali wama-2015/16.

kulo lonke iphondo. Unxibelelwano ngamaza omoya olusebenza ngaphandle kweengcingo –olwaziwa njenge-WiFi - yindlela yokufumana umnathazwe ngokubanzi ngaphandle koqhagamshelwano ngeengcingo. Lukuvumela ukuba uqhagamshela iikhompyutha naphi na ngaphandle kokufakela ezinye iintambo zeminxebe.

Ethetha ngexesha leNtetho engoBume bePhondo, iNkulumbuso uHelen Zille wabhengeza ukuba phantse ibe ngama-2 000 iziza zikarhulumente eziza kufumana iinkonzo zobuxhaka-xhaka boqhagamshelwano lesantya sothungelano-lwazi nto leyo iza kunceda abantu beli phondo.

“Ngoko ke, kuluvuyo kum ukubhengeza ukuba uRhulumente waseNtshona Koloni, i-SITA kunye nenkampani iNeotel batyikitye isivumelwano esibalulekileyo ngale ntsasa sokubonelela ngoqhagamshelwano lobuxhaka-xhaka besantya sothungelwano-lwazi kwiziza zikarhulumente ezimalunga nama-2 000, kuquka izikolo, amathala eencwadi kunye namaziko ezempilo kule minyaka mibini ukuya kwemithathu izayo.”


KwekaCanzibe kulo nyaka uzayo, zonke iziza ziza kuba seziqhagamshelwe ngezantya ezi-10Mbps phantsi kwesi sivumelwano kwaye kweyeThupha kowama-2018, uninzi lweziza luza kuqhamshelwa ngeentambo zefayibha ize ama-90% zeziza zonwabele izantya ze-1Gbps.

NgokweNkulumbuso, iinkonzo zobuxhaka-xhaka boqhagamshelwano besantya sothungelwano-lwazi ziza kunceda urhulumente adale amathuba emisebenzi ewadalela abantu beli phondo.

## Inkxaso yeziseko zophuhliso zezikolo eFreyistata



INkulumbuso u-Ace Magashule



Albert Pule

**U**Rhulumente wePhondo laseFreyistata uza kugxininisa ekuphuculeni iziseko zophuhliso kulo lonke iphondo.

Ukuza kuthi ga ngoku, urhulumente wephondo sele egqibe ukwakha izikolo ezithathu kunye neendawo zokuhlala abafundi kwiindawo ezahlukileyo zephondo.

“Iiprojekthi zeziseko zophuhliso ezigqitywe kulo nyakamali sikuwo ziquka izikolo ezithathu ezitsha ezizezi iSikolo samaBanga aPhantsi iLetlotlo Naledi eBothaville, iSikolo samaBanga aPhantsi iNthutuzelo eBultfontein kunye neSikolo samaBanga aPhantsi iLister Skosana eParys.

“Iindawo zokuhlala abafundi ezintsha nazo zigqityiwe ePhillipolis, eBainsvlei naseVenterburg. Uphuhliso lweendawo zokuhlala abafundi kukuhubeka kokuzinikela kwethu ekunciphiseni ukuthembela kwethu kwizithuthi ezithutha abafundi ukuqinisekisa ukuba bayayifumana imfundo esemgangathweni,” itshilo iNkulumbuso uMagashule.

Ezinye izikolo ezibini zakhiwe phantsi kwe-

Phulo eliKhawulezayo lokuPhuhlisa iZiseko zoPhuhliso zeZikolo (i-ASIDI).

I-ASIDI lilinge leSebe lezeMfundo esiSiseko lokulwa ukunqongophala kweziseko zophuhliso ezikolweni. Likwajolise ekuphuculeni umgangatho wezikolo ukuze zifikelele kowona mgangatho wokusebenza omiselweyo ziZithethe kunye neMigangatho yeZiseko zoPhuhliso eZikolweni kunye nokuqinisekisa ukuba izikolo zikhuselekile kwaye zineziseko zophuhliso ezifanelekileyo.

“Sigqibile ukwakha izikolo ezitsha ezibini phantsi kwenkqubo ye-ASIDI – oko kukuthi izikolo ezakhiwe ngokutsha kuba bezakhiwe ngezinto ezingomelelanga.”

Ezi zikolo yi-PT Sanders eTrompsburg kunye nesikolo samaBanga aPhantsi iVredefort eseVredefort.


Ezinye iiprojekthi zeziseko zophuhliso ziquka ezi zilandelayo:

- Izikolo ezitsha kwizithili ezahlukileyo kweli phondo.
- Iiprojekthi ezahlukileyo neziqhubekayo kwizikolo ezingama-66 eFreyistata. Ezi projekthi ziza kongeza iiklasi ezingama-31, izakhiwo zemisebenzi yase-ofisini ezikolweni ezingama-29, amaholo amatsha ali-12, amagumbi okuphekela ali-12 kunye namaziko amajelo eendaba neelebhu ezili-12.
- Kuyaqhubeka ukwakhiwa kwezinye izikolo ezingama-20 phantsi kwenkqubo ye-ASIDI.
- Izikolo ezili-10 ziza kuphuculwa zibe zizikolo ezineenkonzo ezipheleleyo ngeenzame zokukhathalela abafundi abaneemfuno ezikhethekileyo.
- Izakhiwo ezine zokuhlala abafundi ziyaphuhlisa. (iSikolo samaBanga aphezulu iSediti kunye neSikolo saBafundi abaneeMfuno eziKhethekileyo iBoitumelong – zozibini ziseThaba Nchu – isikolo i-Edenville Combined School esise-Edenville kunye neSikolo esiseFama iSebonakalis eHarrismith.)
- Ezinye iiklasi ezintsha zeBanga R ezingama-50 ziza kwakhiwa.

## IMpumalanga igxininisa kuphuhliso lweziseko zophuhliso



INkulumbuso uDavid Mabuza



Nosihle Shelembe no-Ursula Graaff

**I**Mpumalanga ibekele bucala imali ezibhiliyoni ezingama-2 065 zeerandi zenkqubo yophuhliso lweziseko zophuhliso kunyakamali wama-2015/16.

“Inkqubo yethu yeziseko zophuhliso iyaqhuba ukubeka njengemiba ebalulekileyo iziseko zophuhliso lwezintlo noqoqosho ezifana neendlela, izibhedlele kunye nezikolo,” itshilo iNkulumbuso uDavid Mabuza ngexesha esenza iNtetho engoBume bePhondo (i-SOPA).

Njengenxalenye yeziseko zophuhliso kwiphondo, iMbombela igqibe iNqanaba lokuqala lokufezekisa uNxibelelwano lwezoThutho lukaWonke-wonke oluHlanganayo.

Ukwakhiwa kweziseko zophuhliso, okubandakanya ukwandiswa kwezinye iindlela kuMbidi wesiXeko, nako kuyaqhuba.

INkulumbuso uMabuza uthe inkqubo yoPhuhliso lweNdelela iMoloto nayo ivunyiwe.

“UPhuhliso lukaHla weNdelela iMoloto luza kuba yinto evuselela ukuhluma koqoqosho kunye nokudalwa kwemisebenzi

okuza kuba yinzuzo kweli phondo, ingakumbi kooMasipala baseKhaya iThembelele Hani kunye neDr J S Moroka.

“Olu phuhliso luza kutsala umdla wotyalo-mali lwabezoshishino lwabucala kulo hla wendlela, nto leyo iza kwandisa amathuba engqesho kunye nophuhliso lwamashishini asekhaya.” utshilo.

## IMARIKE YAMAZWE NGAMA-ZWE YEMVELISO EZISANDUL' UKUVUNWA YASEMPUMALANGA

INkulumbuso uMabuza uthe inkqubo yokufumana nokubhaliswa komhlaba weMarianke yaMazwe ngaMazwe yeMveliso ezisandul' ukuVunwa igqityiwe.

“Yonke imiba yokuthobela umbuso efana nokuhlolwa kwefuthe lokusingqongileyo sele igqityiwe.”

IMarianke yaMazwe ngaMazwe yeMveliso ezisandul' ukuVunwa yaseMpumalanga iza kudala iqonga leziseko zoophuhliso kunye nokuhanjiswa kweemveliso ukunceda amafama avelisa imifuno, iziqhamo, isitrasi kunye nenyama kunye nokususa imiqobo ekhoyo emarikenini.

## UKUFIKELELA EMANZINI

Urhulumente wephondo, ekunye neSebe laManzi noGutyulo lweLindle neRand Water bayasebenzisana ukubonelela uluntu lwaseMpumalanga ngamanzi. Kutyalwe izigidi zeerandi ezingama-298 kwisiGaba sokuQala ukuqhagamshela iilali ezingama-24, ekuzuza kuzo amakhaya angama-15 000.

IsiGaba sesi-2, esixabisa izigidi ezingama-601 zeerandi, sele siqalisiwe kwaye siza kunatyiselwa kwiilali ezingama-69, kuze kuzuze amakhaya angama-23 340.


Imingxuma yokutsala amanzi iza kombiwa kuyo yonke imimandla engenamanzi ukubonelela ngomthombo wamanzi othembekileyo nobukho bamanzi ngalo lonke ixesha.

Apho kukho imingxuma yokutsala amanzi, kodwa ingasebenzi, urhulumente waseMpu-malanga uza kuyilungisa yonke kwinyanga ezintathu ukuya kwezintlanu ukuqinisekisa ukuba abantu bayawafumana amanzi.

## Inkxaso yezobuchwepheshe eNtshona Koloni



INkulumbuso uHelen Zille



Albert Pule

**I**zikolo, amathala eencwadi kunye namaziko ezempilo kulo lonke iphondo laseNtshona Koloni zifumene inkxaso enkulu kubuchwepheshe, kwaye ziza kufumana uqhagamshelwano lobuxhakaxhaka besantya sothungelwano-lwazi.

Oku kwenzeke ngenxa yentsebenziswano phakathi kukarhulumente weNtshona Koloni, i-Arhente yoMbuso noBuchwepheshe boLwazi (i-SITA) kunye nenkampani enkulu yenkonzo zezonxibelelwano iNeotel.

Esi sivumelwano sentsebenziswano siza kuba nesiphumo seendawo ezisetyenziswa kakhulu ze-WiFi ezingama-300 ezifumaneka